



REPUBLIKA E KOSOVËS
REPUBLIC OF KOSOVO
REPUBLIKA KOSOVO

KOMUNA E KLINËS
MUNICIPALITY OF KLINA
OPŠTINA KLINA



www.komuna-klina.org

Duke u mbështetur në nenin 52 të Ligjit për Vetëqeverisjen Lokale, Nr. 03/L-040, nenit 33 të Statutit të Komunës së Klinës, nenit 15 dhe 16 dhe 17 të Rregullores së Punës së Kuvendit dhe Komiteteve të Komunës, Kryesuesi i Komitetit për Politikë dhe Financa i Komunës së Klinës, bën këtë:

F T E S Ë

Ftohen të gjithë anëtarët e Komitetit për Politikë dhe Financa, të marrin pjesë në mbledhjen e II-të të KPF-së e cila mbahet me datë: 13.02.2024 në sallën e Kuvendit të Komunës së Klinës, duke filluar me punë në ora 09:00.

R E N D I I D I T Ë S

1. Arsytimi i mungesave,
2. Shqyrtimi dhe miratimi i procesverbalit nga mbledhja e kaluar,
3. Shqyrtimi i propozim-vendimit për bartje të mjeteve nga të hyrat vetanake nga viti 2023 (ref.drejt.fin)
4. Shqyrtimi i procesverbalit nga takimi i dytë me qytetar i mbajtur nga kryetari i komunës me datë 26.12.2024,
5. Shqyrtimi i kërkesave të arritura për Komitetin për Politikë dhe Financa për muajt janar - shkurt 2024,
6. Të ndryshme,

01Nr. 06-3466 2024
Klinë, më 01.02 2024



Kryesuesi,
Fadil Gashi



REPUBLIKA E KOSOVËS
REPUBLIC OF KOSOVO
REPUBLIKA KOSOVO

KOMUNA E KLINËS
MUNICIPALITY OF KLINA
OPŠTINA KLINA



www.komuna-klina.org

Pozivajući se na član 52. Zakona o lokalnoj samoupravi, br. 03/L-040, član 33 Statuta Opštine Klina, članke 15, 16 i 17 Poslovnika o radu Skupštine i opštinskih komiteta, predsedavajući komiteta za politiku i finansije opštine Klina, vrsi sledeće:

OBAVEŠTENJE

Pozivaju se svi članovi komiteta za politiku i finansije da učestvuju na II-om sastanku KPF-a, koji će se održati 13.02.2024 u sali Skupštine opštine Klina, sa početkom u 09:00 časova.

DNEVNI RED

1. Obrazloženje izostanaka,
2. Razmatranje i usvajanje zapisnika sa prethodnog sastanka,
3. Razmiranje predlog-odlukeza prenos sredstava odsopstvenih prihoda 2023 (ref.Odlenje.Finansija),
4. Razmatranje zapisnika sa drugog sastanka sa građanima koji je održao gradonačelnik dana 26.12.2024,
5. Razmatranje podnetih zahteva komitetu za politiku i finansije tokom Januara-Februara 2024,
6. Razno.

01Br. 06-3466 2024
Klina, 01.02 2024



Predsedavajući,
Fadil Gashi

16, 01, 2024	
Org	st
01-586-1965 /24	

Prof. Dr. Lush Culaj,
Dega e Historisë
Instituti Albanologjik i Prishtinës
Email: [REDACTED]
Telefoni: [REDACTED]

Në Klinë, më 16. 01. 2024

Për Kuvënderin e Komunës të Klinës / kryesuesin Fadil Gashin

Lënda: Propozim për dekorimin e prof. Ymer Berishës

Duke u mbështetur në pikën 40 aleneja 2 nën pikën h) të Ligjit për Vetëqeverisje Lokale nr.03/L-040 nenit 40 aleneja 2 nën pikën e 7 të Statutit të Komunës të Klinës si dhe të nenit 5 të rregullorës për përmbajtjen e simboleve komunale si dhe procedurën mënyrën dhe kushtët për ndarjen e titujve të nderit:

Uderuari Kryesues i Kuvendit Komunal të Klinës, z. Fadil Gashi

Kam nderin dhe privilegjin që para jush të bëj propozimin për dekorim të Profesor **Ymer Berishës**, për veprën e tij të jashtëzakonshme atdhetare e politike për historinë dhe të ardhmen a Kosovës dhe të mbarë interesave nacionale.
Kam kënaqësinë që në vijim të parashtroj arsyetim-motivimin për këtë propozim.

ARSYETIM

Luftëtar për çlirimin kombëtar në Kosovë, veprimtar i lëvizjes demokratike. Lindi në fshatin Gjurgjevik i Madh, komuna e Klinës më 1912. Pas kryengritjes së vitit 1919 në Kosovë, për shkak të represionit, iku bashkë me të atin në Shqipëri. Shkollën fillore e filloi në Krumë dhe e përfundoi në Fushë Krujë. Ndoqi Normalen e Elbasanit ku pati mësimdhënës figura të çmuara të arsimit kombëtar si Aleksandër Xhuvani, Ahmet Gashin etj. Pas diplomimit në vitin 1932, punoi për një periudhë të shkurtër si mësues në disa shkolla të Shqipërisë. Me bursën e dhënë nga shteti shqiptar vazhdoi studimet në Itali, ku përfundoi Akademinë Ushtarake dhe Fakultetin e Histori-Gjeografisë. Pas kthimit punoi si mësime dhënë në disa fshatra të rretheve të Shqipërisë. Ishte ndër intelektualët më të shquar kosovarë në Shqipëri dhe aktivist i Komitetit "Mbrotja Kombëtare e Kosovës".

Në vitin 1941 pas okupimit të Jugosllavisë nga nazi-fashizmi prof. Berisha u kthye në Kosovë ku filloi punën si mësime dhënë në Gjimnazin "Sami Frashëri" në Prishtinë.

Forcat komuniste jugosllave gjatë Luftës Antifashiste kishin premtuar se kriteri kombëtar do të vihej në themel të ndarjes territoriale. Pas përfundimit të luftës këto kritere nuk u morën parasysh. Edhe pse viset shqiptare përbënin një terësi territoriale, ato u ndanë midis njësive federale Serbisë, Maqedonisë dhe Malit të Zi. Ky mashtrim ndikoi që tek shqiptarët të rritet

pakënaqësia. Ymer Berisha ishte major dhe pjesë e Shtabit të Shaban Polluzhës në luftën e Drenicës në fillim-vitin e vitit 1945 dhe një ndër njerëzit më të respektuar të tij.

Pas shuarjës të rezistencës të Shaban Polluzhës, Berisha mbeti njëri nga prijësit e dalluar të Rezistencës së Kosovës. Kur u duk se të gjitha shpresat e qëndresës kundër brigadave jugosllave do të ishin të kota, Ymer Berisha doli në skenë me organizimin, strategjinë dhe largëpamësinë e tij, me vullnet e qëllim të vazhdimit të rezistencës antikomuniste.

Ai kaloi në malet e Llapushës dhe nga aty filloi përpjekjet për organizimin e rezistencës. Konsiderohet njëri ndër ideologët dhe krijuesit e platformës politike për mbrojtjen e kufijve etnikë të trojeve shqiptare. Ishte luftëtar kundër fashizmit e komunizmit. Si truri dhe nervi dirigjues i levizjes ilegale kishte dhënë kushtimin për formimin e një fronti unik politiko-ushtarak të të gjitha rrymave.

Pas fitorës të luftës antifashiste, marrëdhënjet e afërta në mes Tiranës dhe Beogradit nuk jepnin shpresa për një zgjidhje të mundshme të çështjes kombëtare të shqiptarëve në Jugosllavi. Ndoshta këto janë arsyet kryesore që sollën daljen e organizatave politike të reja me frymëzim antikomunist si ONDSH dhe "Besa Kombëtare" e udhëhequr nga profesor Berisha etj. Ai ishte përcaktuar për luftë të armatosur me program demokratik properëndimor, duke promovuar kështu edhe nacional-demokracinë e Kosovës (e cila do të bëhet model edhe për lëvizjet e mëvonshme politike në Kosovë, si ato të viteve '90).

Kuvendi i Dobërdolit i gushtit 1945 pati një jehonë të konsiderueshme në opinion. Ai e zgjodhi profesor Berishën udhëheqës politik. Në Kuvend prezantimi i problemeve që kërkonin zgjidhje nga prof. Berisha ishte shumë përbajtësor.

Prof. Berisha mbante lidhje me forcat anglo-amerikane nëpërmjet Kryezive të Gjakovës, përmes kolonel Sylejman Vuçiternës, Muharrem Bajraktarit-Bajraktarit të Lumës etj. Ata shpresonin realizimin e synimeve të tyre përmes demokracive perëndimore, prandaj nuk ishte e rastit që pranë tyre të kishte misionarë anglo-amerikanë. Veçohen letrat e profesorit që i këmbente me misionin anglez, respektivisht me gjeneralin Hadson. Në një raport me 22 tetor 1945 prof. Berisha e informonte atë për situatën e rëndë politike në Kosovë. Nga të dhënat e lartshënuara dhe burimet arkivore shihet se gjeneral Hadsoni kishte informata të konsiderueshme për gjendjen e shqiptarëve në Jugosllavi.

Peticioni në emër të shqiptarëve të Jugosllavisë së atëhershme për gjeneralin Hadson, kishte për qëllim që Britanisë së Madhe t'i ofrohej një pasqyrë reale mbi gjendjen e shqiptarëve. Lidhjet ndërmjet organizatës "Besa Kombëtare" dhe misionit anglez, mbaheshin me vështirësi të mëdha.

Pas Luftës së Dytë Botërore, në Evropë nuk ekzistonte ndonjë lëvizje apo parti antikomuniste më masive dhe më e organizuar se Lëvizja Nacional-Demokratike Shqiptare. Brenda një kohe të shkurtër ajo arriti t'i shtrijë degët e veta nëpër të gjitha territoret e Kosovës e më gjerë, si kundërpeshë ndaj ripushtimit të Kosovës. Kjo ishte dhe partia e cila i dha kuptim për herë të parë sistemit shumëpartiak në Kosovë, meqë doli në skenë një parti me prije konservatore që në plan të parë kishte mbrojtjen e interesave nacionale.

Në vitet 1945-1947, në radhët e LNDSh-së të udhëhequr nga Profesor Ymer Berisha, Halim Spahia, Gjon Serreqi, Selman Riza, Marije Shllaku etj, kishte në radhët e veta mbi 30.000 anëtarë aktivë në të gjitha territoret e Kosovës, Maqedonisë e Bujanocit me rrethinë. Kjo e dhënë flet qartë se çfarë rezervash kishin shqiptarët ndaj forcave komuniste.

Në Kongresin e Lipovicës (Blinajës) të 25 korrikut 1946 u vendos që forcat nacionaliste të quheshin: *Ushtria popullore nacional-demokratike shqiptare* – UPNDSH, dhe Ymer Berisha u emërua Komandant i UPNDSH-së dhe Kryetar i tërë Lëvizjes Nacional-Demokratike Shqiptare. Në fakt detyra më e lartë komanduese e udhëheqjes së mbarë levizjes profesorit iu dha në mungesë,

sepse ai tashmë ishte eliminuar fizikisht. Sipas të dhënave që i jep eprori komunist jugosllav Gojko Medenica, më 10 korrik të vitit 1946 në malet e Herecit të Gjakovës, Ymer Berisha u vra, i rrethuar nga forcat e të ashtuquajturës "Mbrojtja Kombëtare" dhe e milicisë jugosllave, u vra para se të udhëtonte për në Kongresin V të ONDSH-së, që mbahej në Lipovicë (Blinisht).

Likuidimi i Ymer Berishës dhe shumë personaliteteve të njohura të Kosovës kishte si qëllim edhe frikësimin e popullsisë shqiptare të Kosovës përfshirë këtu edhe disa komunistë shqiptarë të Kosovës. Ai vdiq si vdesin trimat dhe as sot nuk i dihet varri i saktë. Uroj që brezat e ardhshëm të mësojnë të vërtetën veprimtarinë e Komandantit të Maleve Dardane, Durim Vullnetit, alias Ymer Berisha, politikan, strateg, ushtarak, filozof, gjuhëtar, historian, gjeograf, arkeolog, e mbi të gjitha humanist.

MOTIVACIONI PËR PROPOZIM-DEKORIM

Në bazë të asaj çfarë u tha më lart, del se Prof. Ymer Berisha ishte personalitet i shquar në fushën e rezistencës së armatosur kombëtare. Rrjedhimisht, i propozojmë Kuvendit të Komunës në Klinë që ta dekorojë atë për tërë veprën e tij kulturore, politike e nacionale, për tërë atë çfarë ishte e çfarë bëri:

- si dijetar, profesor e ushtarak i përmendur;
- si strateg që orientoi interesat shqiptare kah aleatët anglo-amerikanë;
- si trashëgimtar të një familje me traditë atdhetare nga komuna e Klinës;
- si një ndër Normalistët e parë të diplomuar në Elbasan nga Kosova;
- si një ndër profesorët e parë nga Kosova të diplomuar me bursën e shtetit shqiptar;
- si një ndër ushtarakët e parë të diplomuar nga Kosova me bursën e shtetit shqiptar;
- si mësimdhënës i dalluar në shkollat e Shqipërisë ku punoi;
- si një ndër të parët që u rikthye në Kosovë në vitin 1941 me krijimin e rrethanave të reja;
- si një ndër profesorët e parë të Gjimnazit "Sami Frashëri të Prishtinës" i cili po vinte bazat e një universiteti të ardhshëm të Kosovës dhe i cili la detyrën e profesorit për ta kundërshtuar ripushtimin;
- si një ndër intelektualët që tregoi rezerva ndaj komunistëve dhe vendimeve të Bujanit;
- si një ndër të parët që iu bashkua Shaban Polluzhës dhe rezistencës së tij kundër ripushtimit të Kosovës duke u bërë anëtar i Shtabit të tij;
- si një ndër intelektualët më vizionarë, me qartësi politike antifashiste dhe antikomuniste;
- si intelektual që bashkëpunoi ngushtë me ajkën nacionaliste të kohës si Halim Spahinë, Bedri Pejandin, Ferat Dragën, Marie Shllakun, Gjon Serreçin, Ukë Sadikun, Ndue Përlleshin, Sylejman Vuçiternën, Muharrem Bajraktarin etj.;
- si themelues të organizatës "Besa Kombëtare" dhe udhëheqës të saj deri në fund;
- si lider të shumë Kuvendeve Kombëtare në asaj periudhe dhe si unifikues dhe përafrues të të gjitha grupeve dhe çetave shqiptare;
- si hartues të promemorjes dërguar gjeneralit anglez Hadson ku e informonte për gjendjen e rëndë të shqiptarëve.
- ai i zgjedhur (në mungesë) udhëheqës i mbarë Lëvizjes Çlirimtare dhe Komandant i Përgjithshëm për të gjitha trevat shqiptare në ish-Jugosllavi, nga Kongresi i Lipovicës (Blinajës) më 25 korrikut 1946, pa dijeninë se ishte vrarë;
- si i përndekur dhe i vrarë në pritë më 11 korrik 1946, në Hereç të Gjakovës, nga partizanët jugosllavë;


- si i varrosur e zhvarrosur dy herë nga komunistët deri sa ia humbën varrin;
- si nderi dhe personaliteti më i dalluar i komunës të Klinës i të gjitha periudhave;
- si personaliteti i cili ka kaluar përmasat komunale dhe i takon përmasave kombëtare;
- si personaliteti më thelbësor më të cilin duhet të identifikohet Klina në arealin kombëtar;
- si personalitet që në radhë të parë Komuna e Klinës duhet të ja rikthej dinjitetin;

I nderuar Kryesues i Kuvendit Komunal z. Gashi,

Besoj shumë se Ju dhe Asambleja Komunale do vini në vend dinjitetin e shpërfillur të Prof. Ymer Berishës, duke e dekoruar për gjithë meritat e tij të jashtëzakonshme për interesat nacionale me dekoratën **Nderi i Klinës**.

Me shumë respekt,

Prof. Dr. Lush Culaj



P. S.

*Propozimi del nga projekti i aprovuar nga Këshilli Shkencor i Institutit Albanologjik të Prishtinës: *Ymer Berisha - jeta dhe veprimtaria atdhetare 1912-1946*.



Kuvendi i Komunës Klinë

Komiteti për Politikë dhe Financa

01Nr _____/24

Klinë,dt: _____/24

PROCESVERBAL

Nga mbledhja e parë e rregullt e Komitetit për Politikë dhe Financa, mbajtur, më 16.01.2024, me fillim nga ora 09:00 në sallën e Kuvendit të Komunës.

Mbledhjen e hapi Kryesuesi, z. Fadil Gashi, i cili përshëndeti të gjithë anëtarët e Komitetit, drejtorin e Financave dhe gjithë të pranishmit. Gjithashtu, theksoi se është mbledhja e parë për këtë vit.

Kryesuesi, prezantoi rendin e ditës:

- 1. Arsyetimi i mungesave;**
- 2. Shqyrtimi dhe miratimi i procesverbalit të mbledhjes së kaluar;**
- 3. Shqyrtimi i Raportit Financiar janar-dhjetor 2023 (ref.drejt.fin);**
- 4. Shqyrtimi i kërkesave të arritura për Komitetin për Politikë dhe Financa për muajin dhjetor 2022- janar 2023;**
- 5. Të ndryshme.**

Fadil Gashi, kryesues: Ne po e fillojmë mbledhjen e parë të këtij viti, duke konstatuar se prezent jemi të gjithë anëtarët e KPF-së, andaj mund të procedojmë

me mbledhjen. Rendin e ditës veç e keni, nëse ka dikush për rend të ditës, urdhëroni? Atëherë kush është për rendin e ditës?

Pasi nuk kishte ndonjë vërejtje apo sugjerim, me 7 vota PËR u miratua rendi i ditës.

Pika 1. Arsyetimi i mungesave.

Fadil Gashi, kryesues: Jemi të gjithë prezent!

Pika 2. Shqyrtimi dhe miratimi i procesverbalit të mbledhjes së kaluar.

Fadil Gashi, kryesues: A ka dikush për procesverbal?

Pasi nuk kishte ndonjë vërejtje apo sugjerim, kryesuesi hodhi në votim dhe me 7 vota PËR, u miratua procesverbali nga mbledhja e kaluar.

Pika 3. Shqyrtimi i Raportit Financiar janar-dhjetor 2023 (ref.drejt.fin).

-Sa i përket kësaj pike të rendit të ditës të gjithë anëtarët e Komitetit për Politikë dhe Financa u dakorduan që pa debat, raporti i menaxhimit financiar janar-dhjetor 2023 të kalojë për shqyrtim në Kuvend.

Pika 4. Shqyrtimi i kërkesave të arritura për Komitetin për Politikë dhe Financa për muajin dhjetor 2022- janar 2023.

Kërkesa 1. Kërkesë e parashtruar nga z.Adem Krasniqi për vendosjen e lapidarit për martiren Shpresa Krasniqi e cila është vlarë në fshatin Lugbunar, komuna

Gjakovë, më datë 12.04.1999, vendi i kërkuar për vendosjen e lapidarit është parcela me nr.P-71006024-00511-3 ZK -Klinë, pronë e Kombinatit Bujqësor Malishgan.

Fadil Gashi, kryesues: Parcela sipas informatave që i mora nuk është pronë e komunës së Klinës, por është pronë e kombinatit bujqësor. Kësaj kërkesë ja kemi kthyer një përgjigje më herët; ne e kemi rekomanduar që kërkesa e parashtruar nga familja Krasniqi t'i drejtohet në mënyrë meritore nga gjitha institucionet, me këtë rast, ekzekutivi, kuvendi, familja dhe shoqatat e dala nga lufta në koordinim të plotë njëra me tjetrën të gjejmë një zgjidhje. Sido që të jetë, ne një përgjigje duhet t'ia kthejmë për këtë kërkesë. Unë po hap debat, nëse ka dikush, urdhëroni?

Komiteti për Politikë dhe Financa, shqyrtoi kërkesën në fjalë dhe duke u bazuar në Ligjin për dhënie në shfrytëzim dhe këmbim të pronës së paluajtshme të komunës, u theksua se Komuna e Klinës nuk është kompetente për dhënie në shfrytëzim të pronave të cilat në certifikatën pronësisë nuk figurojnë në emër të Komunës së Klinës.

Komiteti për Politikë dhe Financa, me 7 vota PËR, rekomandoi që kërkesa të dërgohet për shqyrtim në Kuvend.

Kërkesa 2. Kërkesë e parashtruar nga z.Mhill Lleshaj nga fshati Jagodë, komuna Klinë, i cili thekson se posedon një fermë në sipërfaqe prej 15x12 për të cilën ka pasur leje ndërtimi nga Drejtoria për Urbanizëm, leje e cila tashmë ka skaduar, andaj vitin e kaluar por edhe këtë vit kam kërkuar nga komuna e Klinës për vazhdimin e lejes dhe dhënien e lejes për shfrytëzim.

Prona është e ndërtuar në parcelën me nr. P-71011014-00099-5 ZK Jagodë, pronë shoqërore e Kuvendit Komunal Klinë.

Fadil Gashi, kryesues: Edhe kjo është për të dytën herë, ky veç e ka një vendim prej datës 31 mars që e shfrytëzon prej komunës, po afati i ka skaduar, e ka pasur dhjetëvjeçar. Plus afatit, ky dëshiron ta rris edhe kapacitetin, por ne për ta respektuar Ligjin për Dhënie në Shfrytëzim të Hapësirave Publike, ne duhet ta dërgojmë në zyre të kryetarit. Tash kjo është pronë që e kemi marr në seancën e fundit, që i kemi bërë listat publike të pronave të veçanta dhe pronave të

përgjithshme, kjo tash është pjesë e asaj listës, po propozimin me elaborat e bie kryetari i komunës edhe pastaj merr vendim kuvendi. Po, urdhëro, Tunë?

Tunë Deda: Përshëndetje, kryesues, për ju, përshëndetje për gjithë! Unë e di vendin ku është se jam i atij lokaliteti, se këta e kanë pasur lejen dhjetëvjeçare edhe unë jam i mendimit që atij t'i bëjmë zgjidhje për t'ia dhënë edhe për t'ia rritur kapacitetin, sepse ne jemi për ta ndihmuar bujqësinë, por me kusht që nëse s'ka pasur pagesë përpara është mirë të tatimohet, që është duke e shfrytëzuar pronën shoqërore prej komunës.

Fadil Gashi, kryesues: Unë jam për t'i ndihmuar, po ne duhet gjithqysh ta respektojmë Ligjin. Kjo kërkesë duhet të shkojë në zyrë të kryetarit, aty të analizohet, të bëhet një elaborat edhe zyra e kryetarit ta bjerë kërkesën në kuvend. Neni 14, propozimi për dhënie në shfrytëzim të pronës së paluajtshme të komunës, paragrafi 1, thotë: Kryetari i komunës i propozon kuvendit komunal për miratim paraprak pronën e paluajtshme të komunës për dhënie në shfrytëzim, duke paraqitur arsyen dhe interesin publik, e pastaj kjo pronë detyrimisht do të dalë në ankand, duhet të shpallet edhe ai aplikon. Ne e ndërtojmë komisionin këtu sipas atij Ligji pas propozimit të kryetarit edhe komisioni pastaj vendos. Tash nëse është për afat të shkurtër deri në 15 vite, vendos kështu në këtë linjë, nëse është mbi 15 vite që ne kemi të drejtë tash deri në 99 vite, atëherë shkon me negociim nga kryetari, pastaj vjen prapë e bie në kuvend këtu, po cilido variant që të jetë, zyra e kryetarit duhet të na sjell kërkesën. Dikush tjetër? Kush është për?

Komiteti për Politikë dhe Financa, me 7 vota PËR, rekomandoi që kërkesa e parashtruar nga z. Mhill Lleshaj për dhënien në shfrytëzim të pronës komunale, të dërgohet për shqyrtim në zyrën e kryetarit, ku do të veprohet sipas Ligjit Nr.06./L-092 dhe Rregullores (QRK) Nr. 09/2020 për përcaktimin e procedurave të dhënies në shfrytëzim dhe këmbim të pronës së paluajtshme të komunës.

Pika 5. Të ndryshme.

Fadil Gashi, kryesues: Të ndryshme, a ka dikush?

Tunë Deda: Është bërë problem çështja e qenve endacakë, duhet bërë një zgjidhje se është rrezik për popullatën. Ne disi jemi pajtuar me të keqën edhe dita ditës pritet ta mbysin ndonjë fëmijë edhe pastaj të ndërmarrim masa. Duhet bërë një zgjidhje, edhe qeverisë me i bërë thirrje se unë e di që komuna nuk mundet, s'ka shanse, se s'ka lekë!

Fadil Gashi, kryesues: Kjo është problematikë, ne mund ta bëjmë në të ndryshme si rekomandim që kjo çështje të diskutohet në Këshillin Komunal për Siguri në Bashkësi, të inspektohet në vendet më specifike që janë, të kontrollohen pak më shpesh edhe prej policisë edhe prej inspektoratit.

Komiteti për Politikë dhe Financa, me 7 vota PËR, rekomandoi që kjo çështje të diskutohet në Këshillin Komunal për Siguri në Bashkësi, si dhe t'i bëhet kërkesë Policisë së Kosovës që të shtohet patrullimi gjatë orëve të mbrëmjes në qytet.

**Procesmbajtësja,
Monika Palushi**

**K r y e s u e s i,
Fadil Gashi**



REPUBIKA E KOSOVËS
REPUBLIC OF KOSOVO
REPUBLIKA KOSOVO

www.komuna-kline.org

KOMUNA E KLINËS
MUNICIPALITY OF KLINA
OPŠTINA KLINA



Komuna e Klinës

Zyra e kryetarit

Klinë, 26. 12. 2023

PROCESVERBAL

Nga takimi i dytë i kryetarit të Komunës së Klinës, z. Zenun Elezaj me qytetarët e Komunës së Klinës, mbajtur me datë 26. 12. 2023 në sallën e Kuvendit të Komunës, duke filluar nga ora 10:00

Kryetari z. Elezaj falënderoj qytetarët për pjesëmarrës në këtë takim të dytë për vitin 2023 .

z. Zenun Elezaj, kryetar i Komunës: Përshëndetje për të gjithë. Fillimisht po mundona që në pika të shkurta të jap një përshkrim të udhëtimit që kemi bërë në këtë pjesë. Pjesa më e rëndësishme ka qenë realizimi i projekteve dhe shfrytëzimi i buxhetit konform Buxhetit të aprovuar me vendimin e Kuvendit dhe vendimit të qeverisë së Republikës së Kosovës. Që në fillim të vitit buxhetor fillon mobilizimi për përgatitjen e para masave dhe para llogarive dhe fillimin e procedurave të prokurimit për lidhjen e kontratave të obligueshme për realizimin e projekteve. Kemi një raport të ditës së sotme të aspektit financiar që mund të plotësohet nga pagesat që bëhen sot dhe që përkushtimi i të gjithë neve është at shfrytëzohet sa më shumë buxhetin konform realizimit të projekteve të planifikuara. Buxheti i aprovuar për kategorinë ekonomike- paga dhe mëditje ka qenë totali 6 milion e 753 mijë e 688 euro. Ky buxhet është realizuar 100%. Kategoria ekonomike Shpenzime kapitale janë 5 milion e 652 mijë euro , 78.4 % është shfrytëzuar, pra është arritur minimumi që kërkohet për kriterin e performancës. Kategoria ekonomike, mallra dhe shërbime, 94.34 %, Subvencione dhe transfere 92.82%, shpenzime komunale 100%. Në total buxheti për vitin 2023 ka qenë 14 milion e 878 mijë e 713 euro dhe është shfrytëzuar deri me tani 13 milion e 548 mijë e 917 euro ose 91.06%. Në pika të shkurtra këto ishin të dhënat e realizimit të buxhetit. Realisht ky vit ka qenë pak i ngarkuar tek kategoria e të hyrave vetanake që një vlerë prej 1 milion e 300 mijë eurove është bërë me vonesë, qeveria deri vonë nuk na i ka bartë ato mjete.

“ Të gjitha projektet kanë ecur në rrugë të mirë me përjashtim të disa projekteve që janë më të mëdha siç është fundërruesi i ujit të pijshëm për të cilin tre herë kemi pasur procedura por më në fund kemi arritur të nënshkruajmë kontratën. Po ashtu edhe impianti i ujërave të zeza në

Gllarevë ku kontrata është lidhur në kohën e fundit pasi që kemi pasur problem për të gjetur pronën ku të ndërtohet. Projekt tjetër është Shtëpia për të moshuar të cilin e kemi nisur me vonesë pasi që konfirmimi i ligjshmërisë për hapësirën na është kthyer për rishqyrtim. Këto mbase ndikojnë në % që është 78%, Përkushtim i yni në vazhdim ka qenë edhe në drejtim të ruajtjes së energjisë elektrike ku kemi zëvendësuar në disa shkolla, Komunë, QKMF ngrohjet me lëndë djegëse me ato termike. Projekte tjera që janë sfidë për ne janë projektet që i kemi në bashkëpunim me qeverinë siç është ai i rrugës transit. Dollci dhe Dresniku janë në të njëjtën trase ku do të kaloj transiti prandaj ne nuk po mund të bëjmë investime tani e të prishet kur të vije transiti sepse do të ishte keq menaxhim i parasë publike. Me infrastrukturë jemi mirë në të gjitha fshatrat. Kemi aplikuar për grande tek Komisioni evropian me pesë projekte të mëdha përmes ministrisë së zhvillimit rajonal. Janë projekte që ndërlidhen me rregullimin e shtratit të lumenjve dhe projekte të tjera që kapin vlerën milionëshe.” Përfundoj fjalën e tij kryetari i Komunës së Klinës duke ju dhënë mundësinë e fjalës qytetarëve të pranishëm në takim.

z. Marjan Ndrecaj, avokat: Ju dëshiroj suksese në vitin në vijim. Gjërat që kanë shkuar mbrapsht me dekada është vështirë me i kthyer në normalitet. Shpresoj që në mandatin e ardhshëm keni me pas sukses.

z. Xajë Raci: Përshëndetje. Shifrat që i prezantuat nuk i kam analizuar prandaj po i marr si të sakta. Problemet që janë trashëguar ose që i kemi duhet të i evitojmë. Kam marr pjesë në debate publike dhe gjithmonë i kam kritikuar për ujin e pijshëm. Edhe nëse uji sigurohet, Klina nuk mundet me i thënë qytetarit se i ka siguruar ujë kualitet të pijshëm sepse i ka akoma gypat e asbestit. Nëse uji që vjen nga pusi i Jerinës dhe bëhet bashkë në Tikvesh, vjen i turbullt. Kjo tregon që uji nuk është i mirë. Për të gjitha punët që kanë krye a nuk janë krye, fajin nuk e ka vetëm Pozita por edhe Opozita që nuk ju përcjell juve dhe punët jo të mira që po kryhen. Shembull rrugën “Hasan Prishtina” është shtruar një asfalt para dy viteve shumë i dobët, tani është shtruar dhe bërë një kahesh që nuk e përballon qarkullimin. Pastaj unë dalë dhe eci nëpër trotuare, trotuare që janë shtruar shumë keq. Bregut të lumit, prej Urës tek fusha e dukagjinit e tutje, janë trotualet që aknë pjerrtësi të madhe dhe kanë nisur me flete kubëzat të gjitha. Nuk e diji a kanë dalë inxhinierët në teren, ai është keqpërdorim i parasë publike. Dritat që i keni vendosur bregut të lumit, ju përgëzoj që i keni vendosë të tilla por nëse shohim nga Ura në qytet e deri të ura e fushës së sportit i aknë vendosur ato drita shumë keq. Shtrati i lumit, kubëzat janë vendosur sikur të ndërtohet shtëpinë e pastaj themelin. Asnjëri nga ne nuk i vendosim kubëzat në atë mënyrë. Kërkoj që të merret në përgjegjësi ose të futet në listën e zezë ajo kompani që nuk e kryen punën që duhet e po ashtu inxhinierët që nuk i shohin këto gjera ose janë të padijshëm ose të korruptuar.

z. Zenun Elezaj, kryetar: Faleminderit Xajë. Inxhinierët janë këtu dhe besoj aknë marr shënime. Disa punime nuk janë pranuar teknikisht. Nëse flasim për trotualet, deri tek ura e qytetit, ju them me përgjegjësi të plotë që kompania s’ka pasur çka bëjë sepse duke u ndërtuar ai trotuar kamionët janë parkuar aty. Ka pa dëgjueshmëri në këtë aspekt për këtë kam kërkuar edhe nga policia. Edhe unë i kam vërejtjet e mija por kemi pasur shumë telashe sepse kërkesat e

qytetarëve aknë qenë nga më të ndryshmet. Tek lagja “Dukagjini” nuk është pranuar trotuari akoma teknikisht, e ka për obligim kompania që ta bëjë rregullimin e tij para se të pranohet. Furnizimi me ujë, kemi kërkuar evidencë nga kompania “Hidrodrini” që të na tregoj se ku janë pozicionuar gypat e asbestit që të bëjmë ndërrimin e tyre. Tek Fabrika e ujit, fundërruesi do të bëjë pastrimin e ujit në 99% dhe besoj që do të kemi 100L/s dhe nuk do të ketë përzierje nga Pusi i Jarinës. Nga mesi i verës po shpresojmë që do ta vejme në funksion. Te Rruga “Hasan Prishtina” po shpresoj që do të lirohet kur të ndërtohet rruga transitit.

z. Xajë Raci: E thatë që kanë kaluar kamion nëpër trotuar dhe janë parkuar, ju siguroj që s` ka kaluar asnjë kamion andej por kubëzat kanë fjetur.

z. Zenun Elezaj, kryetar: Jam çdo ditë nëpër Klinë dhe i shoh të gjitha rrugët dhe trotualet që po ndërtohen. Janë parkuar kamionë dhe mjete të rënda gjithsesi i kam parë vet. Sidoqoftë këto shqetësime tuajat do ti mbajmë shënim dhe do ti shikojmë.

z. Refki Krasniqi: Përshëndetje. Nuk po ndalem për punët që janë kryer. Ju e përmendet ndërtimin e impiantit të ujërave të zeza. A ekziston teknikisht që ky projekt të ndahet në faza d.m.th. të fillohet me diçka e pastaj të vazhdohet tutje që mos të pritët grumbullimi i 10 milion sa kërkon ky projekt.

z. Zenun Elezaj, kryetar: Konfiguracioni i Komunës së Klinës nuk e mundëson që të gjitha ujërat e zeza të grumbullohen në një lokacion të vetëm. Por sipas një studimi të fizibiliteti të hartuar në vitin 2019 është projektuar që në Jug të qytetit të ndërtohet një impiant që merr të gjitha ujërat e qytetit dhe të i trajtoj. Impianti kushton por kushtojnë edhe tubacionet e reja që përmes tyre me rënie të lirë vijnë në impiant. Jemi në fazat e integrimeve evropiane prandaj që tani duhet të fillojmë të i trajtojmë këto çështje mjedisore. Problem është që të futemi me buxhet komunal sepse ai është i vogël prandaj pa mbështetjen e qeverisë dhe donatorëve është i pamundur. Ne çdo vit ndërtojmë impiante me forca vetanake. Kemi ndërtuar në Volljak, në Sferkë dhe tani po e ndërtojmë në Gllarevë. Gjatë këtij viti kemi bërë shkresa që qeveria të na jep mundësinë e shfrytëzimit të tokës në Radulloc që të ndërtojmë edhe atje një impiant.

Pasi nuk kishte të tjerë të interesuar që ta marrin fjalën, kryetari i Komunës falënderoj të gjithë për pjesëmarrje dhe kontribut. Ai duke ju uruar festat e fund vitit mbylli takimin e dytë me qytetarë për vitin 2023.

Procesmbajtës:

Skënder Behramaj

Kryetari:

Zenun Elezaj